



საქართველოს პროფესიონალ ბუღალტერთა და აუდიტორთა  
ფედერაცია

დამტკიცებულია „საქართველოს პროფესიონალ  
ბუღალტერთა და აუდიტორთა ფედერაციის“  
განათლების კომიტეტის სხდომაზე  
ოქმი N145  
10.10.2018 წელი  
(ცვლილებები შეტანილია 28.12.2023 წ.)

სერტიფიცირების კანდიდატთა განათლების დამადასტურებელი  
დოკუმენტების განმხილველი კომისიის  
დ ე ბ უ ლ ე ბ ა

მუხლი 1. ზოგადი დებულებები

- 1.1 „სერტიფიცირების კანდიდატთა განათლების დამადასტურებელი დოკუმენტებით ჩათვლების განმხილველი კომისიის“, (შემდგომში „კომისია“) დებულება შემუშავებულია „ბუღალტრული აღრიცხვის, ანგარიშგებისა და აუდიტის ზედამხედველობის სამსახურის“ მიერ აღიარებული „საქართველოს პროფესიონალ ბუღალტერთა და აუდიტორთა ფედერაციის“ (ბაფი) „სერტიფიცირებული ბუღალტრის სრული სასარტიფიკაციო პროგრამის“ და „განათლების კომიტეტის“ დებულების შესაბამისად;
- 1.2. დებულება ეფუძნება „ბაფის“ სერტიფიცირების პროგრამით დადგენილ ნორმებს და შემუშავებულია სერტიფიცირების პროცესის აღსრულების მიზნით;
- 1.3. დებულება განსაზღვრავს „კომისიის“ მიზნებს, უფლება-მოვალეობებს, მუშაობის წესებსა და პროცედურებს.

მუხლი 2 კომისიის მიზანი

- 2.1 „სერტიფიცირების კანდიდატთა განათლების დამადასტურებელი დოკუმენტებით ჩათვლების განმხილველი კომისიის“, მიზანია სერტიფიცირების პროგრამის მოთხოვნების შესაბამისად, „ბაფის“ განათლების კომიტეტის მიერ დადგენილი საგამოცდო პოლიტიკითა და პროცედურებით გაწერილი წესების მაღალ დონეზე აღსრულებით განიხილოს სერტიფიცირების კანდიდატების მიერ წარმოდგენილი დოკუმენტები ცალკეულ მოდულებში ჩათვლის/აღიარების მისანიჭებლად „ბაფსა“ და საქართველოში აკრედიტირებულ უნივერსიტეტებთან გაფორმებული მემორანდუმების საფუძველზე, რომელიც უნდა მოიცავდეს ჩათვლის კრიტერიუმებთან შესაბამისობის საკითხს.

### 3. კომისიის სტრუქტურა

- 3.1 „კომისია“ წარმოადგენს მუდმივმოქმედ დამოუკიდებელ სტრუქტურას, რომელიც განიხილავს ცალკეული კანდიდატისათვის სასწავლო მოდულის/საგნის ჩათვლისა ან აღიარების საკითხს და დასამტკიცებლად წარუდგენს „განათლების კომიტეტს“.
- 3.2 „კომისია“ იქმნება 5 პირის შემადგენლობით;
- 3.3 „კომისიის“ შემადგენლობას, 3 წლის ვადით, ირჩევს და ამტკიცებს „ბაფის“ „განათლების კომიტეტი“;
- 3.4 „კომისიას“ ხელმძღვანელობს თავმჯდომარე, რომელსაც ამტკიცებს განათლების კომიტეტი;
- 3.5 „კომისიის“ თავმჯდომარე შეიძლება არჩეული იყოს არაუმეტეს 3 საარჩევნო ვადით;
- 3.6 „კომისიის“ წევრების საქმიანობა არ არის ანაზღაურებადი, გარდა იმ შემთხვევისა, როდესაც „კომისიის“ წევრის საქმიანობა მნიშვნელოვნად აღემატება უანგარო შრომის გონივრულ ზღვარს.

### 4. კომისიის ფუნქციები

- 4.1 „კომისია“ უზრუნველყოფს სერტიფიცირების პოლიტიკითა და პროცედურებით განსაზღვრული საქმიანობის აღსრულებას, კერძოდ განიხილავს სერტიფიცირების კანდიდატთა განათლების დამადასტურებელ დოკუმენტებს (უმაღლესი განათლების დიპლომი, ბაკალავრის ან მაგისტრის დიპლომები, დიპლომების ამონაწერები გავლილი საგნების და კრედიტების მიხედვით) და ცალკეული პრეტენდენტების მიმართ იღებს შესაბამის გადაწყვეტილებას და იყენებს „ჩათვლისა“ და „აღიარების“ პრინციპს.
- 4.2 „კომისია“ ჩათვლებზე ამზადებს ანგარიშს და დასამტკიცებლად წარუდგენს განათლების კომიტეტს;

### 5. კომისიის წევრების პასუხისმგებლობა

- 5.1 „ჩათვლის“ პროცესს ანხორციელებს დამოუკიდებლად, განათლების კომიტეტის მიერ შემუშავებული ზოგადი პოლიტიკისა და პროცედურების შესაბამისად.
- 5.2 „კომისიის“ დებულების დაცვა, შესაბამისად, დამოუკიდებლობისა და კონფიდენციალობის შენარჩუნება, სავალდებულოა კომისიის ყველა წევრისათვის;
- 5.3 „კომისიის“ წევრებს ევალებათ დაიცვან „მიუკერძოებლობისა“ და „გაუთქმელობის“ პრინციპი თავისი მოვალეობის შესრულებისას.
- 5.4 „კომისიის“ წევრების კონფიდენციალურობის საკითხი განსაზღვრულია განათლების კომიტეტის „კონფიდენციალურობის დაცვის დებულებით“.
- 5.5 „კომისიის“ წევრის მიერ კომისიის დებულებისა და სერტიფიცირების პროგრამით განსაზღვრული პოლიტიკისა და პროცედურების ნებისმიერი მოთხოვნის დარღვევა განიხილება განათლების კომიტეტის მიერ და შეიძლება გამოიწვიოს გაფრთხილება ან, უკიდურეს შემთხვევაში, კომისიის წევრობიდან გარიცხვა.
- 5.6 დაუშვებელია „კომისიის“ წევრობიდან გარიცხული წევრის შემდგომში „კომისიაში“ ჩართვა.